

【经文信息】大正藏第 20 册 No. 1134B

金刚寿命陀罗尼经 1 卷

No. 1134B [cf. Nos. 1133, 1134A]

金刚寿命陀罗尼经

特进试鸿胪卿大辨正大广智三藏奉 诏译

尔时毘卢遮那如来。于色界顶第四禅成等正觉。即下须弥山顶。于金刚宝楼阁。尽虚空遍法界一切如来皆悉云集。前后围绕异口同音。唯愿世尊转妙法轮甚深秘密。所谓金刚界轮。降三世教令轮。遍调伏法轮。一切义成就轮。如是四轮从毘卢遮那心出。一一轮皆有三十七圣者。一一真言一一三摩地。一一契印威仪轨持。大悲愿力。于杂染佛刹。于净妙世界。或隐或显。转轮利乐度诸众生各各不同。毘卢遮那佛。受诸如来请已。欲转法轮。时即入三摩地。观见摩酰首罗大自在天。刚强难化执持邪见。非我寂静大悲之身堪任调伏。于是世尊入悲怒三摩地。从胸臆间出现五峯金刚大菩提心。流出四面八臂威德炽盛奇特难覩降三世金刚菩萨身。遍礼毘卢遮那如来及一切诸佛。唯愿世尊示教于我。何所作为。佛告降三世菩萨。汝今降伏彼难调伏诸大天等。令悉归依诸佛法僧发菩提心。寻即降伏一切诸天。尽皆归依佛法僧众。唯大自在天。特大威德而生拒敌。降三世菩萨种种苦治乃至于死(左踏大天右踏天后)于是毘卢遮那如来。入大悲愍三摩地已。即说金刚寿命陀罗尼。复入金刚寿命三昧耶。及结密印加持摩酰首罗天王。还复得苏重增寿命。归依诸佛发菩提心。灌顶受记证得八地位。金刚寿命真言。

(om) (va) (jra) (yu) (ṣai) (svā) (hā)
唵 嚩 日啰(二合) 喻 晒 萨嚩(二合) 诃(引)

佛告执金刚菩萨。若有善男子善女人。受持念诵每日三时时别千遍。过现所有恶业因缘短命夭寿。由持此真言故信心清净。业障消灭更增寿命。若有修习三摩地者。现生不转父母生身。获五神通陵空自在。

次当诵护身被甲真言曰。

(om) (ddhām) (va) (jra) (yuh)
唵 砧(谪簪反) 嚩 日啰(二合) 欲

次当观兆(yah) 欲字。光明晃曜遍照。成大金刚寿命菩萨。次以四字明引请菩萨。降入坛中受诸供养。四字密言曰。

(jah) (hūm) (vaṃ) (hoḥ)
惹 吽 鑊 斛

尔时大众闻佛所说信受奉行。

金刚寿命陀罗尼经

延宝四年五月。写耨尾藏本。律师净严天明元辛丑年写字治慧心院本。慈忍今年得件本令写之。按勘以印版。盖此经者。前经之略出。为不堪者唯示眼精。非是别本也。 和州长谷寺寓居劬劳释快道记

一按加笔毕 癸亥四月六日 慈顺

【经文信息】大正藏第 20 册 No. 1134B 金刚寿命陀罗尼经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
